

UniMAP Raih Tujuh Emas Di Poland

Universiti Malaysia Perlis (UniMAP) terus mengorak langkah di persada penyelidikan antarabangsa apabila meraih tujuh pingat emas dalam International Warsaw Invention Show (IWIS)

2013 yang berlangsung selama tiga hari bermula 7 Oktober 2013 lalu.

Prof. Madya Che Mohd. Ruzaidi Ghazali meraih emas berganda menerusi produk inovasinya *Natural Fiber Based Geopolymer Composite Via Filament Winding* yang turut berjaya meraih Anugerah Khas Ukraine dan produk *Advanced Geopolymer Ceramics For High Temperature Operation*.

Pingat emas turut disumbangkan oleh Pensyarah Kanan, Pusat Pengajian Kejuruteraan Bahan, Dr. Nik Noriman Zulkepli yang turut meraih emas berganda menerusi dua produk inovasinya. Baki pingat emas UniMAP disumbangkan oleh Penyelidik Pusat Kecemerlangan Geopolymer dan Teknologi Hijau (CEGeoGTech), Mohd. Mustafa Al-Bakri Abdullah yang turut meraih dua emas serta emas terakhir dari Penyelidik Pusat Pengajian Kejuruteraan Pembuatan, Mohd. Fathullah Ghazali.

